

Ո Ր Ո Շ ՈՒ Մ Ն 119/6
/Ճանապարհային վճարների գանձման վերաբերյալ/

«07» մայիսի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Սամվել Միերի Սարգսյանի /քաղաքացիությունը Հայաստանի Հանրապետության, անձն. AN0593699, հասցեն՝ ՀՀ ք. Երևան, Նոր-Նորք, Մառի փ. 2.14, բն.5/ նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

ՀՀ քաղաքացի Սամվել Սարգսյանը 2016թ. օգոստոսի 17-ին թիվ 1428 տրանսպորտային միջոցի մաքսային հայտարարագրով «Ժամանակավոր ներմուծում» մաքսային ռեժիմով մինչև 01.09.2016թ. ՀՀ է ներմուծել «FORD-TRANZIT» մակնիշի, LLB45795 հաշվառման համարանիշի ավտոմեքենա:

01.04.2019թ. թիվ Դ/1917-2019 գրությամբ ՀՀ ՊԵԿ է դիմել «Ջասթիս ընդ Լոու» իրավաբանական ծառայության տնօրենը: Գրության մեջ նշվում է, որ ֆիզիկական անձ Սամվել Սարգսյանի /անձնագիր՝ AN0593699/ կողմից 17.08.2016թ. բեռնափոխադրման նպատակով ՀՀ ժամանակավոր ներմուծմամբ մուտք է գործել /գրանցման համար՝ LLB45795, WF0LXXGBFL3J86049 նույնականացման համար/ ֆորդ ավտոմեքենան «տարսպորտային միջոցի մաքսային հայտարարագրով»: Խնդրում է տալ տեղեկություն՝ Ս.Սարգսյանը կարող է վերարտահանել ավտոմեքենան, եթե հնարավոր է, ապա որքան է կազմում վերարտահանման հետ կապված ծախսերը:

08.04.2019թ. թիվ Ն/22-4/24508-2019 պատխյան գրությամբ հայտնել ենք, որ Սամվել Սարգսյանի կողմից տրանսպորտային միջոցի ՀՀ ներմուծման հետ կապված արկա են պարտավորություններ՝ ճանապարհային վճարի գծով և «Ժամանակավոր ներմուծում» մաքսային ընթացակարգի խախտման մասով:

Ղեկավարվելով «Վարչարարության հիմունքների և վարչական վարույթի մասին» և «Ճանապարհային վճարի մասին» Հայաստանի Հանրապետության օրենքների դրույթներով,

Սամվել Սարգսյանի կողմից 02.09.2016թ.-ից մինչև 31.12.2017թ ընկած ժամանակահատվածի համար ճանապարհային վճարի չվճարման փաստի առթիվ հարուցվել է վարչական վարույթ:

Նշանակվել է գործի քննություն 07.05.2018թ. ժամը 16:00-ին, վերջինս պատշաճ ծանուցվել է ՀՀ ոստիկանության անձնագրային և վիզաների վարչության բնակչության պետական ռեգիստրի կողմից տրամադրված հասցեով, սակայն չի ներկայացել գործի քննությանը:

ՀՀ հարկային օրենսգրքի 453-րդ հոդվածի 1-ին մասի համաձայն՝ օրենսգրքի 9-րդ բաժինը կիրառվում է այն հարաբերությունների նկատմամբ, որոնք ծագել են օրենսգիրքն ուժի մեջ մտնելուց հետո, իսկ մինչև օրենսգիրքն ուժի մեջ մտնելը ծագած՝ ճանապարհային հարկի հետ կապված հարաբերությունների նկատմամբ կիրառվում է մինչև Օրենսգիրքն ուժի մեջ մտնելը ճանապարհային վճարների հետ կապված հարաբերությունները կարգավորող օրենսդրությունը: Այսինքն՝ այլ պետություններում գրանցված տրանսպորտային միջոցների ճանապարհային վճարի մասով մինչև օրենսգիրքն ուժի մեջ մտնելը ծագած հարաբերությունների նկատմամբ կիրառվում են «Ճանապարհային վճարի մասին» ՀՀ օրենքի դրույթները, իսկ օրենսգիրքն ուժի մեջ մտնելուց հետո ծագած հարաբերությունների մասով՝ ՀՀ հարկային օրենսգրքի դրույթները:

Իրավահարաբերության ծագման պահին գործող «Ճանապարհային վճարի մասին» ՀՀ օրենքի 4-րդ հոդվածի համաձայն՝ ճանապարհային վճարի տեսակ է համարվում այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճար: Օրենքի 5-րդ հոդվածի համաձայն՝ այլ պետություններում գրանցված տրանսպորտային միջոցներով ավտոմոբիլային ժանապարհներից օգտվելու համար վճարը յուրաքանչյուր մուտքի համար գանձվում է հետևյալ տասնհինգօրյա դրույքաչափերով՝ բեռնատար ավտոմեքենաների և ավտոգնացների համար (1,5-ից մինչև 3 տոննա բեռնատարողությամբ) ավտոմեքենաների համար՝ 25000 դրամ: Օրենքի 9-րդ հոդվածով սահմանում է այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճարի հաշվարկման և վճարման կարգը: Նշված հոդվածի 1-ին մասի համաձայն՝ այլ պետություններում գրանցված տրանսպորտային միջոցներով ավտոմոբիլային

ճանապարհներից օգտվելու համար վճարը հաշվարկվում է սույն օրենքին համապատասխան և պետական բյուջե է մուծվում այդ տրանսպորտային միջոցները Հայաստանի Հանրապետության տարածք մուտք գործելիս՝ բացառությամբ սույն հոդվածի 3-րդ կետում նշված դեպքի, երբ Հայաստանի Հանրապետության տարածքում տասնհինգից ավելի օր գտնվելու դեպքում յուրաքանչյուր հաջորդ տասնհինգ օրվա կամ ավելի պակաս ժամկետի համար այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճարը հաշվարկվում և պետական բյուջե է մուծվում Հայաստանի Հանրապետության տարածքում գտնվելու ժամկետը լրանալուց հետո՝ հինգ օրվա ընթացքում: Օրենքի 12-րդ հոդվածով սահմանվել են ճանապարհային վճարի վճարման ժամկետները: Նշված հոդվածի 1-ին մասի համաձայն՝ այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճարը վճարվում է դրանցով Հայաստանի Հանրապետության տարածք մուտք գործելիս: Եթե այդ տրանսպորտային միջոցները Հայաստանի Հանրապետությունում գտնվում են տասնհինգ օրից ավելի, ապա դրանցով ավտոմոբիլային ճանապարհներից օգտվելու յուրաքանչյուր լրացուցիչ տասնհինգ օրվա (կամ ավելի պակաս ժամկետի) համար կատարվում է նոր վճարում՝ սույն օրենքի 5 հոդվածով սահմանված դրույքաչափերով: Օրենքի 20-րդ հոդվածի համաձայն՝ սույն օրենքի խախտումն առաջացնում է Հայաստանի Հանրապետության օրենսդրությամբ սահմանված պատասխանատվություն իսկ վճարի վճարումն ուշացնելու համար վճար վճարողներից գանձվում է տույժ:

«Վարչարարության հիմունքների և վարչական վարույթի մասին» Հայաստանի Հանրապետության օրենքի 43-րդ հոդվածի 1-ին մասի «ա» ենթակետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է անձը՝ նրա համար բարենպաստ փաստական հանգամանքների առկայության դեպքում:

Այսպիսով, վարույթի նյութերով հիմնավորվում է, որ Սամվել Սարգսյանի կողմից ներմուծված տրանսպորտային միջոցի համար 02.09.2016թ.-ից մինչև 31.12.2017թ ընկած ժամանակահատվածի համար հաշվարկվել է 825000 ՀՀ դրամ ճանապարհային վճար և 628157 ՀՀ դրամ տույժ: Ս.Սարգսյանը չի ներկայացրել ճանապարհային վճարի գումարը վճարելու վերաբերյալ որևէ ապացույց:

Ելնելով վերոգրյալից և ղեկավարվելով «Ճանապարհային վճարների մասին» ՀՀ օրենքի 5-րդ և 20-րդ հոդվածներով, «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. Սամվել Սարգսյանից հօգուտ պետություն զանձել 1453157 դրամ, որից 825000 դրամ, որպես վճարման ենթակա ճանապարհային վճարի գումար, իսկ 628157 դրամը՝ ճանապարհային վճարի նկատմամբ հաշվարկված տույժի գումար:
2. Որոշման մասին օրենքով սահմանված կարգով տեղյակ պահել Սամվել Սարգսյանին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարներն են. 900005027033 (ՀՀ պետական բյուջե, կենտրոնական գանձապետարան, Արեվելյան մարսապուրտ-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ